



# Сыр бойы

№8  
(20682)



Қызылорда облыстық қоғамдық-саяси газет • 1929 жылдың 1 шілдесінен шығады

16 қаңтар, сейсенбі 2024 жыл

e-mail: syrboyi@yandex.kz / www.syrboyi.kz

www.facebook.com/syrboyi\_kz/

www.instagram.com/syrboyi\_kz

https://twitter.com/syrboyi

t.me/syrboyi\_kz

## ПРЕЗИДЕНТ



### РЕСМИ САПАРМЕН БАРАДЫ

Мемлекет басшысы Қасым-Жомарт Тоқаев 18-19 қаңтар күндері Италия және Ватикан мемлекеттеріне ресми сапармен барады.

Президент сапарының алғашқы күні Рим қаласында Италия Президенті Серджио Маттарелламен, Премьер-министр Джорджа Мелонимен келіссөздер жүргізеді. Сонымен қатар Президент «Қазақстан-Италия» инвестициялық дөңгелек үстеліне қатысып, бірқатар ірі компания басшыларымен кездесулер өткізеді деп жоспарланып отыр.

Мемлекет басшысы келесі күні Ватиканда Рим Папасы Францискпен кездеседі. Бұдан бөлек, Президент БҰҰ Азық-түлік және ауыл шаруашылығы ұйымының (FAO) және Дүниежүзілік азық-түлік бағдарламасының (WFP) штаб-пәтерлеріне барады.

## ТАҒАЙЫНДАУ

### ОБЛЫС ӘКІМІНІҢ ОРЫНБАСАРЫ ТАҒАЙЫНДАЛДЫ

Кеше облыс әкімі Нұрлыбек Нәлібаевтың төрағалығымен кадрлық өзгерістерге байланысты актив отырысы өтіп, онда жаңадан тағайындалған облыс әкімінің орынбасары таныстырылды. Қазақстан Республикасы Президенті Әкімшілігінің келісімімен және облыс әкімінің өкімімен Жаханов Бахыт Дүйсенұлы облыс әкімінің орынбасары лауазымына тағайындалды.

Облыс әкімі Бахыт Жахановтың қызметіне сәттілік тіледі.

Бахыт Дүйсенұлы – аймақтың әлеуметтік-экономикалық ахуалымен етене таныс, мемлекеттік қызметтің барлық сатысынан өтіп, басқарушылық лауазымда мол тәжірибе жинаған әлеуеті жоғары кадр. Бұған дейін де басқарма басшысы, аудан әкімі, облыс әкімінің орынбасары лауазымдарында нәтижелі қызмет көрсеткен. Жаңа қызметте ауыл шаруашылығы және жер қатынастары, табиғи ресурстар және табиғат пайдалануды реттеу, ветеринария, құрылыс және сәулет, энергетика және тұрғын үй-коммуналдық шаруашылық, жұмылдыру дайындығы, аумақтық қорғаныс салалары мен Жанақорған, Шиеді аудандарына жетекшілік жасайтын болады. Іскер басы ретінде өз жұмысын жоғары деңгейде атқарады деп сенемін, – деді аймақ басшысы.

2-бет

## САПАР



Суреттерді түсірген Бибидем Есжанов

### АУЫЛҒА ЖЕТКЕН ИГЛІКТІҢ ЖЕМІСІ КӨП

#### АУРУХАНА ҚҰРЫЛЫСЫ БАСТАЛДЫ

Кеше облыс әкімі Нұрлыбек Нәлібаев Жаңақорған ауданына жұмыс сапарында алдымен «Төменарық» ауылдық округінде салынатын 15 орындық аурухананың іргетасын қалау рәсіміне қатысты. Аймақ басшысы ауыл тұрғындарын жаңа нысан құрылысының басталуымен құттықтады.

– Адамның баға жетпес байлығы – денсаулығын, өмір сапасын жақсарту жолында мемлекет тарапынан атқарылған жұмыс ауқымды. Әлемдегі геосаяси ахуалдан туындаған экономикалық қиындықтарға қарамастан, Президентіміз Қасым-Жомарт Кемелұлы денсаулық сақтау саласын дамытуды басым бағыттардың бірі ретінде белгілеп, халыққа арнаған Жолдауларында нақты талаптар қойды. «Сапалы медициналық қызмет азаматтардың тұрғылықты жеріне қарамастан бәрине бірдей қолжетімді болуы керек» деп атап өтті.

Бүгінгі қолға алынған жұмыстардың барлығы да халық денсаулығын нығайту, аурудың алдын алу үшін жасалуда. Құрылыс басталған амбулаториясы бар аурухана осы мақсаттың орындалуына септігін тигізіп, аурушандықтың азаюына ықпал етеді деген сенімдеміз, – деді Нұрлыбек Машбөкұлы.

Бас мердігер «Астана сервис ЛТД» жана аурухананы биыл мамыр айында пайдалануға бермек. Жалпы ауданы 1072 шаршы метр нысан құрылысының құны 893 млн теңге.

Іс-шарада еңбек ардагері Жаксылық Сапарбеков жерлерінен құттықтап, бата берді. Сондай-ақ «Төменарық» ауылының әлеуметтік-экономикалық дамуына үлес қосқан бірқатар азаматтың еңбегі еленіп, марапатталды.

Айта кетейік, өңірдің денсаулық сақтау саласына биыл 156 млрд 100 млн теңгеге жуық қаржы бағытталуда. Қызылорда қаласында 36 млрд 400 млн теңгеге бір ауысымда 100 келушіге арналған емхана-сы және онкологиялық бөлімшесі бар 300 орындық көпбейінді аурухананың құрылысы басталды. «Ауылда денсаулық сақтауды жаңғырту» ұлттық жобасы аясында елді мекендерде 27 нысан салынады. Өткен жылы 15-і ел игілігіне табысты. Оның ішінде Жанақорған ауданының «Қаратөбе» ауылында жаңа амбулатория ашылса, биыл «Бесарық» және Әбдіғашар ауылдарында бой көтереді. Ұлттық жоба аясында Арал, Қазалы, Шиеді, Жанақорған аудандарындағы көпбейінді орталық ауруханаларға қосымша ғимараттар салынады.

2-бет

## САРАП

### МАМАНДЫҚТАР АТЛАСЫ: Келешек қай салаға мұқтаж?

Уақыт жылжыған сайын адамзаттың сұранысы да құбылады. Сол секілді қазір дүниеде мамандықтар да өзгеруде, бірі жойылып, енді бірі жаңадан пайда болды. Мәселен, индустриялық бағдарламаны жүзеге асыра бастаған тұста елімізде инженерлер ең құрметті мамандық саналған. Қаржы дағдарысына дейін мұнайдың бағасы жоғары болғанда мұнай-газ саласы мен жалпы экономикаға, бизнеске бет бұрғандар көбейді. Енді индустриялық-инновациялық бағдарламалар жайлағанда технологияның тілін меңгергендерге зор болды. Бірақ бұл салада білікті мамандарымыз көп дей алмаймыз. Мәселен бойласақ, «жастарды қай бағытта оқытқан жөн?» деген сауалға ұрынамыз.

Мадияр ТӨЛЕУ,  
«Сыр бойы»

#### ЕҢБЕК НАРЫҒЫНДАҒЫ ЕЛЕУСІЗ ҚҰБЫЛЫС

Жалпы елде еңбек нарығын зерттеуші сарапшылар кейінгі жылдары қанықтан басқаратын техникалық оператор, ақпараттық технолог, өнеркәсіп саласының мамандарына сұраныс артқанын айтып жүр. Қазір жеңіл өнеркәсіп өнімдерінің технологиясы мен оны құрастыру, тау-кен ісі, жылу энергетикасы саласының мамандарына қажеттілік күн санап артауда. Мысалы, кейінгі 5 жылда IT мамандарға сұраныс екі есе өскен. Соған қарамастан еңбек нарығында кадр тапшылығы бар. Не десеңіз де келешекте технологиялық мамандықтарға сұраныс еселенсе түспек. Сөзіміз дәйексіз болмасын, мәселен, 2019 жылы Қазақстанда болашақта ең сұранысқа ие болатын 100 мамандықтың тізмі жасалды. Тізімді Еңбек және халықты әлеуметтік қорғау министрлігі мемлекеттік бағдарламалар мен кадрлық қажеттілікті болжау негізінде құраған. Сондағы 100 мамандықтың 57-сі тікелей технологиялық салаға қатысты.

Енді тағула Еңбек ресурстарын дамыту орталығы бандамасын жариялады. Көз жүгіртсек, жабық операторлар, коллекторлар, пошташылар мен курьерлер, полиграфия қызметкерлері, буынтүшілер, дәнекерлеуші сияқты орташа деңгейдегі мамандықтар көп ұзамай жойылуы мүмкін екен. Қазір цифрландыру экономикаға етене араласып, оның құрылымын, әсіресе еңбек нарығын құбылта бастады. Цифрландырудың жұмыспен қамтуға, кәсіптер салына, адами капиталға және еңбек өнімділігіне әсерін талдау маңызды. Мысалы, біраз сарапшылар адамдарды роботтармен және жасанды интеллектпен алмастырудың ақыры технологиялық жұмыссыздыққа әкелуі мүмкін деп алаңдайды. «Технологиялық жұмыссыздық» дегеніміз – өткен ғасырдан бері келе жатқан жаңа технологиялардың пайда болуымен сипатталатын жұмыссыздық түрі. Әсіресе қоғам жасанды интеллекттің дамуына ілессе алмай жатқанын көріп отырмыз.

4-бет



Фото: Аиық дөңгелектен

### ТҰРМЫСТЫҚ ЗОРЛЫҚ-ЗОМБЫЛЫҚ: ЖАҢА ЗАҢ ЖОБАСЫ НЕНІ КӨЗДЕЙДІ?

Мемлекет басшысы Қасым-Жомарт Тоқаев «Egemen Qazaqstan» газетіне берген сұхбатында қоғамда орын алып жатқан зорлық-зомбылық пен қатыгездіктің алдын алу үшін мемлекет тарапынан қандай шаралар қарастырылып жатқанын айтқан еді.

Бибілат СӘТЖАН,  
«Сыр бойы»

– Мұндай қылмыстардың алдын алып, жолын кесу үшін менің тапсырмаммен нақты шаралар қабылданды. Әйелдер мен балаларға жасалған зорлық-зомбылыққа қатысты қылмыстарды тергеумен әйел тергеушілер айналысатын болды. Сондай-ақ ішкі істер органдарында әйелдерді зорлық-зомбылықтан қорғаумен шұғылданатын мамандардың штаты қалпына келтіріліп, олардың құзыреті күшейтілді, – деді Президент.

Айта кетсек, өткен жылы отбасындағы тұрмыстық құқық бұзушылықпен күрес тәсілдері қайта қаралды. Былтырғы шілдеден бастап полиция жәбірленушінің шағымын емес, қылмыстың анықталуын негізге алып, қылмыстық істі тіркеуге көшті, яғни мұндай қылмыстарға қатысты іс қозғау үшін зорлық-зомбылықтан жапа шеккен адамның арызы қажет емес.

3-бет







